

書名 文章辨體五十卷 天順八年刊本
撰者 明 吳訥 輯
卷 卷十三
內容分類 集 總集 詩文
索書號 集部 總集 47
編號 D7914800

卷十三



彩色首頁1

東洋文化研究所漢籍目錄 編號: D7914800
東洋文化研究所漢籍目錄所藏漢籍善本全文影像資料庫 索書號: 集部 總集 47
漢籍善本全文影像資料庫文本 文章辨體五十卷 天順八年刊本
版權所有: 東京大學 東洋文化研究所
使用上的注意事項

文章辨體卷之一

古歌謠辭

康衢謠

列子堯治天下五十年不知天下治歟不治歟億
兆戴已歟不願戴已歟乃微服遊康衢聞兒童謠云
我烝民莫匪爾極不識不知順帝之則

擊壤歌

逸士傳堯時有八九十老人擊壤而歌壤以木為
之長三四寸先側一壤于地遙以手中壤擊中者
為上

而作日入而息鑿井而飲耕田而食帝力於我何有哉
南風詩

海虞後學

吳訥

編集



吊古因之寄離情前洲采芳杜

冬日何可愛

胡仲伸

冬日何可愛夏日何可畏矯首問羲和羲和不停轡寒燠相代更天運自有常但惜愛日短不及畏日長

鬱鬱孤生桐

鬱鬱孤生桐託根鄒嶧顛皎皎白素絲出自岱岷間一朝奉庭貢妙合良自然桐以為君琴絲以為君絃中含希世音置君離別筵征馬慘不嘶僕夫跪當前君行千里道豈惜一再彈南風日渺渺清商動山川和者音已寡聽者今亦難

遊子

袁凱

遊子行萬里母心亦如之陸行有虎豹水行有蛟螭盜賊凌寡霧露乘寒飢誰云高堂安中有萬險危寄言里中子親在勿

卷十二

文章辨體卷之十三

海虞後學吳訥編集

古詩四

七言

栢梁詩 說見序題

日月星辰和四時武帝駢駕駟馬從梁來梁群國士馬羽林材司

去病馬霍總領天下誠難治承相石慶和撫四夷不易哉大將軍衛青刀筆之

吏臣執之御史大夫兒寬撞鍾伐鼓聲中詩太常周建德宗室廣大日益滋

宗正劉周衛交戟禁不時衛尉路博德總領從官栢梁臺光祿勳徐自為平

理請讞决嫌疑廷尉杜周修飾輿馬待駕來太僕公孫賀郡國吏功差次

之大鴻臚壺充國乘輿御物主治之少府王温舒陳粟萬石揚管箕大司農張成

徼道宮下隨討治執金吾中尉豹三輔盜賊天下先左馮翊咸宣盜阻南山

為民災右扶風李成信外家公主不可治京兆尹椒房率更領其材詹事陳掌

蠻夷朝賀常舍其典屬國柱杵樽櫨相枝持大枇杷橘栗桃李梅
太官走狗走兔張興魚上林齧妃女唇甘如飴郭舍迨窘詰屈
幾窮哉東方朔

四愁詩

漢張平子

我所思兮在太山欲往從之梁父艱側身東望涕霑翰美人贈
我金錯刀何以報之英瓊瑤路遠莫致倚逍遙何為懷憂煩勞
我所思兮在桂林欲往從之湘水深側身南望涕霑襟美人贈
我金琅玕何以報之雙玉盤路遠莫致倚惆悵何為懷憂心煩傷
我所思兮在漢陽欲往從之隴阪長側身西望涕霑裳美人贈
我貂襜褕何以報之明月珠路遠莫致倚踟躕何為懷憂心煩紆
我所思兮在鴈門欲往從之雪雰雰側身北望涕霑巾美人贈
我錦繡段何以報之青玉案路遠莫致倚增歎何以懷憂心煩惋

把酒問月

唐李太白

青天有月來幾時我今停杯一問之人攀明月不可得月行却
與人相隨皎如飛鏡臨丹闕綠烟滅盡清輝發但見宵從海上
來寧知曉向雲間沒白兔擣藥秋復春嫦娥孤棲與誰鄰令人
不見古時月今月曾經照古人古人今人若流水共看明月皆
如此唯願當歌對酒時月光長照金樽裏

觀元丹丘坐巫山屏風

昔遊三峽見巫山見畫巫山宛相似疑是天邊十二峰飛入君
家綵屏裏寒松蕭颯如有聲陽臺微茫如有情錦衾瑤席何寂
寂楚王神女徒盈盈高咫尺如千里翠屏丹崖粲如綺蒼蒼遠
對圍荆門歷歷行舟泛巴水水石潺湲萬壑分煙光草色俱氤
氛溪花笑日何年發江客聽猿幾處聞使人對此心緬邈疑入
嵩丘夢綵雲

寄裴施州

杜子美

廊廟之具裴施州宿昔一逢無此流金鍾大鏞在東序水壺王
衡縣清秋自從相遇減多病三歲爲客寬邊愁堯有四岳明至
理漢二千石真分憂幾度寄書白鹽北苦寒贈我青羔裘霜雪
迴光避錦袖蛟龍動篋蟠銀鈎紫衣使者辭復命再拜故人謝
佳政將老已失子孫憂後來况接才華盛

秋風

秋風淅淅吹我衣東流之外西日微天清小城擣練急石古細
路行人稀不知明月爲誰好早晚孤帆他夜歸曾將白髮倚庭
對故園池臺今是非

玄都壇七言六韻寄元逸人

故人昔隱東蒙峰已佩含景蒼精龍故人今居子午谷獨在陰
崖結茅屋屋前太古玄都壇青石漠漠常風寒子規夜啼山竹
淚王母晝下雲旗翻知君此計誠長往芝草琅玕日應長鐵鎖

高坐不可攀致身福地何蕭爽

送孔巢父謝病歸遊江東兼呈李白

巢父掉頭不肯住東將入海隨煙霧詩卷長留天地間釣竿笑
拂珊瑚對深山大澤龍蛇遠春寒野陰風景暮蓬萊織女同雲
車指點虛無引歸路自是君身有仙骨世人那得知其故惜君
只欲苦死留富貴何如草頭露蔡侯靜者意有餘清夜置酒臨
前除罷琴惆悵月照夕幾歲寄我空中書南尋禹穴見李白道
甫問信今何如

送崔五太守

王摩詰

長安廐吏來到門朱文露網動行軒黃花縣西九折坂王對宮
南五丈原褒斜谷中不容幘惟有白雲當路曩子午山裏杜鵑
啼嘉陵水頭行客飯劍門忽斷蜀川開萬井雙流滿眼來霧中
遠樹刀州出天際登江巴字回使君年紀三十餘少年白晢專

城居欲持畫省郎官筆回與臨邛父老書

送費子歸武昌

岑參

漢陽歸客悲秋早旅舍葉飛愁不掃秋來倍憶武昌魚夢著祇
在巴陵道會隨上將過祁連離家十年恒在邊劔峰可惜虛用
盡馬蹄無事今已穿知君開館恒愛客樽消白金每一擲平生
有錢將與人江上故園空四壁吾觀費子毛骨竇廣眉大口仍
赤髯看君失路尚如此人生貴賤那得知高秋八月歸南楚東
門一壺聊出祖路指鳳凰山北雲衣霑鸚鵡洲邊雨莫嘆嗟昨
白髮新應須守道勿羞貧男兒何心戀妻子莫向江村老却人

喜韓樽相過

三月灞陵春已老故人相逢耐醉倒甕頭春酒黃花脂祿米只
充沽酒資長安城中足年少獨共韓侯開口笑桃花點地紅班
班有酒留君且莫還與君兄弟日携手世上浮名好是閑

九月九日酬顏少府

高達夫

簷前白日應可惜籬下黃花爲誰有行子迎霜未授衣主人得
錢始沽酒蘇秦顛顛人多厭蔡澤棲遲世看醜縱使登高只斷
腸不如獨坐空搔首

畫馬

君侯櫪上驄貌在丹青中馬毛連錢蹄鐵色圖畫光輝驕王勒
馬行不動勢若來權奇蹴踏無塵埃感茲絕代稱妙手遂令談
者不容口麒麟獨步自可珍駑駘萬足知何有終未如他櫪上
驄載華轂騁雙飛馮荷君剪拂與君用一日千里如旋風

送陳章甫

李頎

四月南風大麥黃棗花未落桐葉長青山朝別暮還見嘶馬出
門思舊鄉陳侯立身何坦蕩虬鬚虎眉仍大顛腹中貯書一萬
卷不肯低頭在草莽東門沽酒飲我曹心輕萬事如鴻毛醉臥

不知白日暮有時空望孤雲高長河浪頭連天黑津吏停舟渡
不得鄭國遊人未及家洛陽行子空嘆息聞道故林相識多罷
官昨日今如何

代賀枝令譽贈沈千運

相逢問姓名亦存別時無子今有孫山上雙松長不改百家惟
有三家村南村西遠鳥道信宿通舟水浩浩澗中磊磊石十里
石河上游泥種桑麥平坡塚墓皆我親滿田主人是舊客舉聲酸
鼻問同年十人七人歸下泉分手如何更此地迴頭不去淚潸然

同張侍御宴北樓

儲光羲

今之太守古諸侯出入雙旗垂七旒朝覽干戈時聽訟暮延賓
客復登樓西山漠漠崦嵫色北渚沉沉江漢流良宵清淨方高
會繡服光輝聯皂蓋魚龍恍惚階墀下雲霧杳冥隄戶外水靈
慷慨行泣珠游女飄颻思解珮蒼蒼低月半遙城落落疎簾滿

太清不忍開襟悲楚奏願言吹笛退胡兵軒后青丘埋猓偷周

王白羽掃攙搶斯君武節朝龍闕予亦翱翔歸玉京

夜歸鹿門

孟浩然

山寺鳴鍾晝已昏漁梁渡頭爭渡喧人隨沙岼向江村余亦乘
舟歸鹿門鹿門月照開烟對忽到龐公樓隱處巖扉松徑長寂
寥惟有幽人自來去

湖中對酒作

張正言

夜坐不厭湖上月晝行不厭湖上山眼前一樽又長滿心中萬
事如等閑主人有黍萬餘石濁醪數斗應不惜即今相對不盡
懽別後相思復何益茱萸灣頭歸路賒願君且宿黃公家風光
若此人不醉參差孤負東園花

聽笛

劉文房

舊游憐我長沙謫載酒沙頭送遷客天涯望月自霑衣江上何

人復吹笛橫笛能令孤客愁綠波淡淡如不流商聲寥亮羽聲
晉江天寂歷江楓秋靜聽關山聞一叫三湘月色悲後嘯又吹
楊柳激繁音千里春色傷人心隨風飄向何處落唯見曲盡平
湖深明發與君別離後馬上一聲堪白首

漁翁

柳子厚

漁翁夜傍西巘宿曉汲清湘然楚竹煙銷日出不見人欸乃一
聲山水綠迴看天際下中流巘上無心雲相逐

田家留客

王仲初

人客少能留我屋客有新漿馬有粟遠行僮僕應苦飢新婦厨
中炊欲熟不嫌田家破門戶蚕房新泥無風土行人但飯莫畏
貧明府上來何辛苦丁寧回語屋中妻有客勿令兒夜啼雙井
直西有縣路我教丁男送君去

田家

男顏欣欣女顏悅人家不怨言語別五月雖熱麥風清簷頭索
索綠車鳴野蚕作蠶人不取葉間撲撲秋蛾生麥收上場絹在
軸的知輸得官家足不望入口復上身且免向城賣黃犢田家
衣食無厚薄不見縣門身即樂

河之水二首寄子姪老成

韓退之

河之水去悠悠我不如水東流我有孤姪在海陬三年不見兮
使我生憂日復日夜復夜三年不見汝使我髣髴未老而先化
河之水悠悠去我不如水東注我有孤姪在海浦三年不見兮
使我心苦采薇于山緝魚于淵我徂京師不遠其還

桃源圖

神仙有無何茫然桃源之說誠荒唐流水盤迴山百轉生綃數
幅垂中堂武陵太守好事者題封遠寄南宮下南宮先生忻得
之波濤入筆驅文辭文工畫妙各臻極異境恍惚移於斯架巘

鑿谷開宮室接屋連牆千萬日羸顛劉歎了不聞地坼天分非
所恤種桃處處惟開花川原近遠蒸紅霞初來猶自念鄉邑歲
久此地還成家漁舟之子來何所物色相猜更問語大蛇中斷
喪前王羣馬南渡開新主聽終辭絕共悽然自說經今六百年
當時萬事皆眼見不知幾許猶流傳爭持酒食來相饋禮數不
同樽俎異月明伴宿玉堂空骨冷魂清無夢寐夜半金鷄啁哳
鳴火輪飛出客心驚人間有累不可住依然離別難爲情船開
棹進一廻顧萬里蒼蒼煙水暮世俗寧知僞與真至今傳者武
陵人

哭梅聖俞

宋歐陽永叔

歐公知聖俞而不薦詩中乃歸之命不識何謂

昔逢詩者伊水頭青山白馬渡伊流灘聲入節響石樓坐中辭
氣凌雲有秋一飲百盞不言休酒酣思逸語更適河南丞相稱賢

侯後車日載枚與鄒我年最少力方優明珠白璧相報接詩成
希深擁鼻謳師魯卷舌藏戈矛三十年間如轉眸屈指十九歸
山丘凋零所餘身百憂晚登玉墀侍珠旒詩老壘鹽太學愁乖
離會合謂無由此會天幸非人謀頽鬚已白齒根浮子年加我
貌則不歡猶可強閑屢偷不覺歲月成淹留文章落筆動九州
釜甑過午無饋餼良時易失不早收篋積瓦礫遺琳瑯薦賢轉
石古所尤此事有職非吾羞命也難知理莫求名聲赫赫掩諸
幽翩然素旒歸一舟送子有淚流如溝

虎圖

王介甫

壯哉非羆亦非貙目光夾鏡當坐隅橫行妥尾不畏逐顧盼欲
去仍躊躇卒然一見心爲動熟視稍稍摩其鬚固知畫者巧爲
此此物安肯來庭除想當盤礴欲畫時睥睨衆史如庸奴神閑
意定始一掃功與造化論錙銖悲風颯颯吹黃蘆上有寒雀驚

相呼槎牙死樹鳴老鳥向之俛喙如哺雛山牆野壁黃昏後
婦遙看亦下車

定惠院海棠

蘇子瞻

江城地瘴蕃草木只有名花苦幽獨嫣然一笑竹籬間桃李漫
山總麤俗也知造物有深意故遣佳人在空谷自然富貴出天
姿不待金盤薦華屋朱唇得酒暈生臉翠袖卷紗紅映肉林深
霧暗曉光遲日暖風輕春睡足雨中有淚亦悽慘月下無人更
清淑先生食飽無一事散步逍遙自捫腹不問人家與僧舍拄
杖敲門看修竹忽逢絕艷照衰朽歎息無言揩病目陋邦何處
得此花無乃好事移西蜀寸根千里不易到嚙子飛來定鴻鵠
天涯流落俱可念為飲一樽歌此曲明朝酒醒還獨來雲落紛
紛那忍觸

書王定國所藏煙江疊嶂圖王晉卿畫

江上愁心三疊山浮空積翠如雲煙山耶雲耶遠莫知煙空雲
散山依然但見兩岬蒼蒼絕谷中有百道飛來泉繁林絡石
隱復見下赴谷口為奔川川平山開林麓斷小橋野店依山前
行人稍度喬木外漁舟一葉江吞天使君何從得此本點檢毫
末分清妍不知人間何處有此境徑欲往置二頃田君不見武
昌樊口幽絕處東坡先生留五年春風搖江天漠漠暮雲捲雨
山娟娟丹楓翻鴉伴水宿長松落雪驚醉眠桃花流水在人世
武陵豈必皆神仙江山清空我塵土雖有去路尋無緣還君此
畫三嘆息山中故人應有招我歸來篇

二月見梅

唐子西

桃花能紅李能白春深何處無顏色不應尚有一枝梅可是東
君苦留客向來開處當嚴冬白者未白紅未紅只今已是丈人
行肯與年少爭春風

燕思亭

馬子才

李白騎鯨飛上天江南風月閑多年縱有高亭與美酒何人一
斗詩百篇主人定是金龜老未到亭中名已好紫蟹肥時晚稻
香黃鷄啄處秋風早我憶金鑾殿上人醉著宮錦烏角巾巨靈
擘山洪河竭長鯨吸海萬壑貧如傾元氣入胸腹須臾百媚生
陽春讀書不必破萬卷筆下自有鬼與神我曹本是狂吟客寄
語溪山莫相憶他年須使襄陽兒再唱銅鞮滿街陌

虞美人草

曾子固

鴻門玉斗紛如雪十萬降兵夜流血咸陽宮殿三月紅霸業已
隨煙燼滅剛強必死仁義王陰陵失道非天亡英雄本學萬人
敵何須屑屑悲紅粧三軍散盡旌旗倒玉帳佳人坐中老香魂
夜逐劍光飛青血化為原上草芳心寂寞寄寒枝舊曲聞來似
歛眉哀怨徘徊愁不語恰如初聽楚歌時滔滔逝水流今古漢

楚興亡兩丘土當年遺事久成空慷慨樽前為誰舞

磨崖碑

張文潛

王環妖血無人掃漁陽馬馭長安草潼關戰骨高於山萬里君
王蜀中老金戈鐵馬從西來郭公凜凜英雄才舉旗為風偃為
雨洒掃九廟無塵埃元功高名誰與紀風雅不繼騷人死水部
胸中星斗文太師筆下龍蛇字天遣二子傳將來高山十丈磨
蒼崖誰將此碑入我室使我一見昏眸開百年廢興增歎慨當
時數子今安在君不見荒涼涪水棄不收時有遊人打碑賣

書磨崖碑後

黃魯直

春風吹船著涪溪扶藜上讀中興碑平生半世看墨本摩挲石
刻髮成絲明皇不作包桑計顛倒四海由祿兒九廟不守乘輿
西萬官已作鳥擇栖撫軍監國太子事何乃趣取大物為事有
至難天幸爾上皇跼蹐還京師內間張后色可否外間李父願

指揮南內淒涼幾苟活高將軍去事尤危臣結春陵二三策臣甫杜鵑再拜詩安知忠臣痛至骨世上但賞瓊琚詞同行野僧六七輩亦有文士相追隨斷崖蒼蘚對久立凍雨爲洗前朝悲

雪

歐陽永叔

時在穎州王月梨梅練絮白舞鵝鶴銀等皆勿用新陽力微初破萼客陰用壯猶相薄朝寒稜稜風莫犯暮雪綏綏止還作驅馳風雲初慘淡炫晃山川漸開廓光芒可愛初日照潤澤終爲和氣爍美人高堂晨起驚幽士虛牕靜聞落酒壚成徑集餅罌獵騎尋蹤得狐貉龍蛇掃處斷復續猊虎圍城呀且攫共貪終歲飽牟麥豈恤空林飢鳥雀沙墀朝賀逆象笏桑野行歌沒芒屨乃知一雪萬人喜顧我不飲胡爲樂坐看天地絕氛埃使我胸襟如洗滌脫遺前言笑塵雜搜索萬象窺冥漠穎雖陋邦文士衆巨筆人人把矛槊自非我爲發其端凍口何

由開一喙

聚星堂雪

有序

蘇子瞻

元祐六年小雪會飲聚星堂忽憶文忠公作守時雪中約客賦詩禁體物語爾來四十餘年莫有繼者僕以老門生繼公後雖不足追配而賓客之美不減當時公二子又適在郡輒舉前令各賦一篇

牕前暗響鳴枯葉龍公試手初行雪映空先集疑有無作態斜飛正愁絕衆賓起舞風竹亂老手先醉霜松折恨無翠袖點橫斜祇有微燈照明滅歸來尚喜更鼓暗晨起不待鈴索掣未嫌長夜作衣稜却怕初陽生眼禰欲浮太白追餘賞幸有回飈驚落屑模糊檜頂獨多時歷亂瓦溝裁一瞥汝南先賢有故事醉翁詩話誰續說當時號令君聽取白戰不許持寸鐵

十一月二十六日松風亭下梅花盛開

春風嶺上淮南村昔年梅花曾斷魂豈知流落復相見蠻風壓
雨愁黃昏長條半落荔枝浦臥樹獨秀枕柳園豈惟幽光留夜
色直恐冷艷排冬溫松風亭下荆棘裏兩株玉蕊明朝瞰海甸
仙雲嬌墮砌月下縞衣來叩門酒醒夢覺起繞樹妙意有在終
無言先生獨飲勿歎息幸有落月窺清樽

再用前韻

羅浮山下梅花村玉雪爲骨冰爲魂紛紛初疑月掛樹耿耿獨
與星橫昏先生索居江海上悄如病鶴栖荒園天香國艷肯相
顧知我酒熟詩清溫蓬萊宮中花鳥使綠衣倒挂扶桑暎抱叢
窺我方醉臥故遣啄木先敲門麻姑過君急酒掃鳥能歌舞花
能言酒醒人散山寂寂唯有落蕊粘空樽

花落復次韻

玉妃滴墮煙雨村先生作詩與招魂人間草木非我對奔月偶
挂成幽昏暗香入戶尋短夢青子綴枝留小園披衣連夜與
飲雪膚滿地聊相溫松明照坐愁不睡井花入曉清而暎先生
年來六十化道眼已入不二門多情好事餘習氣惜花未忍都
無言留連一物吾過矣笑領百罰空壘罇

和李伯玉用東坡韻賦梅花

朱晦庵

北風日日霾江村歸夢正爾勞營魂忽聞梅蕊臘前破楚客不
愛蘭佩昏尋幽舊識此堂古曳杖偶集僧家園嵐陰春物未全
到邂逅只有南枝溫冷光自照眼色界雲艷未怯扶桑暎遙知
雲邊溪上路玉樹十里藏山門自憐塵羈不得去坐想佳處知
難言但哦君詩慰岑寂已似共倒花前罇

用東坡韻賦梅花適得元履書因復賦此寄意

羅浮山下黃茅村蘇仙仙去餘詩覓梅花自入三疊曲至今不
受蠻煙昏佳名一旦異凡木絕艷千古高名園却憐冰質不自

暖雖有步障難爲溫羞同桃李媚春色敢與葵藿爭朝暉歸來
只有修竹伴寂歷自掩疎籬門亦知真意還有在未覺浩氣終
難言一杯勸汝吾不淺要汝共保山林罇

丁丑冬在溫陵陪敦宗李文和東坡梅花詩昨日見
梅追省前事忽忽五年再和一篇呈諸友同賦

江梅欲破江南村無人解與招芳魂朔雲爲斷蜂蝶信凍雨一
洗煙塵昏天憐絕艷世無匹故遣寂寞依山園自欣羗笛娛夜
未未要鄒律回春溫連娟窺冰墮殘月的皦泣露晞晨暉海山
清游記玉面衰病此日空柴門相逢不敢話疇昔能賦豈必皆
成言雕鑄肝腎竟何益况復制酒哦空罇

歸去來圖

元劉夢吉

夢吉名因號靜修辭官隱居以終

淵明豪氣昔未除翺翔八表凌天衢歸來荒徑手自鋤草中恐

生劉寄奴中年欲與夷皓俱晚節樂地歸唐虞平生磊磊一物
無停雲懷人早所圖有酒今與龐通沽眼中之人不可呼哀歌
撫卷聲嗚嗚

望懌山

趙子昂

東方巨鎮宗岱宗群山列侍臣妾同西南崛起一萬仞却立石
窟如爭雄何年天星下天宮墜地化作青芙蓉外如刻削中空
同閬風玄圃遙相通我昔東游訪青童群仙邀我游中峰悔不
絕粒巢雲松失身誤落塵網中如今可望不可到艤舟空羨冥
飛鴻神仙可學事亦晚安用屑屑悲秋蓬吾聞嶧陽有孤桐鳳
凰鳴處朝陽紅安得斲爲寶琴獻天子爲民解慍歌南風

題先天觀山水圖

范德機

學仙之人與山爲徒住在匡廬之奧湖江之區張公鍊丹作龍
虎丹成御氣遊六虛後來作者絕代無復有逸人住玄都玄都

之壇并角孤上摩萬里之黃鵠下伏千尺之飢鼯陰森檜筠自
太古斬種力與開闢俱扶桑朝日挂絕壁照見樓觀青糝糊壁
厓控絃寫哀壑秋雲春露芝田腴我亦人間山澤臞偶隨薤藟
賓唐虞興來醉倒黃公壚震風三日撼不蘇折花不得度弱水
揮手始識仙凡殊王堂仙人危與吳遺我茲山之畫圖尋牕數
戶久歎息無緣置我雙樗蒲獨行幽人不受呼掃葉青澗聽啼
鳥日暮羅逕相縈紆相縈紆向何處明朝爲借麻姑鵬我亦驢
之上天去

銅雀臺

陳剛中

古臺百尺生野蒿昔誰築此當塗高上有三千金步搖滿陵松
栢圍鳳綃西飛燕子東伯勞塵間泉下路迢迢龍帳銀箏紫榭
槽怨入漳河翻夜濤人生過眼草上露白骨何由見歌舞獨不
念漢家長陵一杯土玉匣珠襦鎖秋雨

子昂墨竹

虞伯生

吳興畫竹不欲工腕指所至生秋風古來篆籀法已絕上有木
葉雕蚕虫黃金錯刀交屈鐵大陰作雨山石裂蛟龍起陸真宰
愁雲暗蒼梧泣湘血吳興之竹乃非竹吳興昔年面如玉波濤
浩蕩江海空落月年年照秋屋

送戴真人歸越

戴先生日飲五斗醉不得再飲一石不肯眠昨從桃源來兩袖
携風煙長安道上小兒女拍手攔道呼神仙馬如游龍花如雨
蹴踏春秋作朝暮東方不作窓間戲上帝還令海邊去海邊玉
虹夜不收貝宮珠闕皆蛟蚪芝田玉樹久相待天上老仙那肯
留戴先生鑑湖之水三千丈不可以鑑可以釀明朝亦脫錦袍
去與汝酣歌釣船上

夏五月武昌舟中觸目

揭曼碩

兩髯背立鳴雙櫓短簑開合滄江雨青山如龍入雲去白髮何
人並沙語船頭放歌船尾和蓬上雨鳴蓬下坐推蓬不省是何
鄉但見雙雙白鷗過

燒筍

陸子方

先生朝盤厭首宿筍味得全差勝肉蒼頭掃地犀角出赤燄燒
空龍尾禿土膏漸渴外欲枯火灰微濕中已熟撥灰可惜衣殘
錦解籜猶怜膚濯玉青青無分長兒孫草草爲人供口腹李家
丞相蒸葫蘆石家美人煮豆粥去毛留項有何好擣韭作齏空
自速不如野人工食淡自辦行厨入脩竹句裏曾參玉版師胸
中會著簞簞谷主人不問不須嗔昨夜西風響林屋

題陳孝子傳後

張仲舉

百丈山前妾辭主禮賢鎮中子逢母三十年餘一日同白髮相
看淚如雨阿婆去時未斷乳兒壯得知心獨苦清湖老嫗天所
留逆旅主人神使語歸來桑竹溪之滸婦前持觴孫起舞雙瓜
生祥表秋圃豈待旌書動官府吳人買妾紛莫數歲滿毋歸遺
子女巷南巷北不相覓况復山川隔脩阻嗚呼千秋復萬古孝
子之名在寰宇世上滔滔忘母人不愧唐昌一杯土

題赤壁圖

王在中

我昔南遊過赤壁會上磯頭訪遺跡吳魏勝負了無聞一曲漁
歌楚天碧黃岡仙客峨眉翁道同北海人中龍羈懷得酒逸興
發扁舟夜泛空明中江山如許誰賓主醉挾飛仙夢中語直將
天地等浮漚三國周郎曾比數神游八極空畫圖開卷彷彿瞻
眉頰清風千古凜如在悠悠目斷江雲孤

題青蓮居士像

楊廉夫

天人騎龍飛上天一念下謫三千年長庚文章光照地在古無
上今無前天台道人一傾倒有如大鵬遇希有烏紗白苧登闕

庭天子見之如綺皓萬言倚馬安美材酒酣誤觸玻璃杯忠誠
白日不照鑑洗天風雨何時來已寶宮牀不爲秦夜郎之天豈
爲隘八極揮兵列缺鞭泰山培塿風雷噫人言捉月采石江豈
知騎兔長庚傍自非廣寒玉虎貯神彩桂殿何處人間涼周郎
尺素間清揚皦如白月照屋梁千金好事摹七字安得筆光千
丈強

岳王墓

韓中村

妖星墮地芒角赤龍劍悲吼風蕭瑟中原王氣挽不回將軍一
死鴻毛擲秦家小兒真戲劇播弄造化搖樞極指讎爲親忠爲
逆隻手上遮天眼力九關茫茫隔天日無由下燭臣愚直臣愚
萬死不足惜國耻未湔猶憤激古墳埋冤血空碧風雨年年土
花蝕我恐精忠埋不得白日英魂土中泣請將衰骨斲出荒苔
痕獻作吾皇補天石

題宋忠簡公誥

洪武朱景瀛

忠簡公澤盡忠守汴請高宗還爲汪黃所忌而死

青城妖祲連雲豬犬羊在都龍在野百年藝祖舊河山萬騎長
驅若冰解京城留守一世豪仰天雪涕風蕭騷起扶白日照河
北赤手欲障三秋濤義旂戛天天爲泣四方猛士聞風集自期
狗國與天通豈謂忠言反難入披肝上疏留至尊乘輿不顧東
南巡拊牀三叫大星落非天棄宋良由人功業無成志可紀古
來英傑多如此君侯心事漢武侯偉氣英聲冠千祀我來已恨
生世遲不得親觀忠勇姿每過鄉邑髮猶豎綸誥况是當時爲
却憶前朝司馬死章蔡羣姦乘間起國雖未亂政先亡萬里蒙
塵從此始吁嗟黼黻真奴臣賊君致寇肥其身姓名汗眼尚欲
嘔君侯在位能無嗔侯乎慎勿嗔誰使彼奴操國鈞君不
見汴京禮樂正全盛江南杜宇啼天津

題馬圖

劉子高

天馬西來掠西極萬里君門踏雲入紫塞秋迴王頰日黃河夜
渡拳毛濕高冠閨人不敢騎拄策却立當前墀半垂絲韁藍青
草明日銀鞍趁班早

登金陵雨花臺望大江

高季迪

大江來從萬山中山勢盡與江流東鍾山如龍獨西上欲破巨
浪乘長風江山相擁不相讓形勢爭誇天下壯秦皇空此瘞黃
金佳氣葱葱至今王我懷鬱塞何由開酒酣走上城南臺坐覺
蒼茫萬古意遠自荒烟落日之中來石頭城下濤聲怒武騎千
群誰敢渡黃旗入洛竟何祥鐵鎖橫江未爲固前三國後六朝
草生宮闕何蕭蕭英雍乘時務割據幾度戰血流寒潮我生幸
逢聖人起南國禍亂初平事休息從今日勿之爲家不用長
江限南北

文章辨





